

**БОҚИЙ ФИКРЛАР**

**Хуш ул  
кишики,  
замонларни  
яхши ўткорди.**

Захириддин  
Муҳаммад БОБУР



# Ma'rifat

ENLIGHTENMENT \* XALQ ZIYOLILARI GAZETASI \* معرفت

1931-yildan chiqa boshlagan 2010-yil 13-fevral, shanba № 12 (8245) ISSN 2010-6416

## ТАШРИФ НИҲОЯСИГА ЕТДИ. ҲАМКОРЛИК ДАВОМ ЭТАДИ

**Ўзбекистон Республикаси Президенти Ислам Каримов 10-12 февраль кунлари давлат ташрифи билан Корея Республикасида бўлди**

Ўзбекистон Республикаси Президенти Ислам Каримов Корея Республикасида давлат ташрифининг учинчи куни "Korean Air" компанияси раиси Чо Янг Хони қабул қилди.

"Навоий" эркин индустриал-иқтисодий зонасини барпо этиш ва "Навоий" қитъалараро интермодал логистика марказини ривожлантиришда "Korean Air" компанияси фаол иштирок этмоқда. Хусусан, 2009 йил-

да мазкур компания "Ўзбекистон ҳаво йўллари" миллий авиакомпаниясига лизинг асосида иккита юк самолёти тақдим этди. Ҳозир бу самолётлар логистика марказига хизмат қилмоқда.

"Навоий" эркин индустриал-иқтисодий зонасида айти пайтда умумий қиймати 187 миллион АҚШ доллари тенг 19 лойиҳа амалга оширилмоқда. Бевосита ишлаб чиқариш билан боғлиқ 16 лойиҳа 2010 йилнинг

иккинчи ярмида якунига етади - кимё, нефть кимёси, электротехника, машинасозлик, фармацевтика ва бошқа соҳаларда фаолият юритадиган корхоналар ишга тушади.

Бу ерда махсус техника учун гараж, ўқув маркази, автотранспорт воситаларига техник хизмат кўрсатиш станцияси, ёнғинга қарши депо, ёнилғи-мойлаш маҳсулотлари омбори қурилди, темир йўл тортилди. Айти

пайтда юк терминали барпо этилмоқда. Буларнинг барчаси марказни ривожлантириш учун мустаҳкам пойдевор бўлиб хизмат қилади. Келгусида у ерда йилига 300 минг тонна юк қайта ишланади.

Ҳозир Навоий шаҳри аэропортидан Милан, Брюссель, Бангкок, Деҳли, Мумбайга мунтазам самолёт қатнови йўлга қўйилган. Франкфурт, Дубай, Истанбул, Тель-Авивга рейслар-

ни ташкил қилиш режалаштирилмоқда.

Ишлаб чиқариш билан бир қаторда, ижтимоий инфратузилма ҳам ривожланмоқда. Хусусан, "Korean Air" компанияси билан ҳамкорликда 9000 кишига мўлжалланган турар-жой мажмуи барпо этилмоқда. Мажмуа соғлиқни сақлаш, таълим муассасалари, спорт иншоотлари ва дам олиш масканларига эга бўлади.

(Давоми 2-бетда.)



### "ТАЪЛИМ ВА МУТАХАССИСЛИК": яна ёшларни чорлайди

Пойтахтимиздаги «Ўзқўргазмасавдо» кўргазмалар залида анъанавий равишда V халқаро «Таълим ва мутахассислик» кўргазмаси ташкил этилди. Тадбир Ўзбекистон Республикаси Савдо-санот палатаси, «Камолот» ЁИХ, Олий ва ўрта-махсус таълим вазирлиги ва қатор мутасадди ташкилотлар ҳамкорлигида ўтказилди. Унда мамлакатимиз ҳамда хорижий олий ўқув юртлари, касб-хунар коллежла-

ри ва академик лицейлардан ташриф буюрган қизиқувчиларга юртимизда ва хорижий олий ўқув юртлари, ўрта махсус, касб-хунар таълим муассасалари хусусида батафсил маълумотлар берилди. Шунингдек, кўргазмада юртимизда фаолият юритадиган турли ташкилот ва идоралар ўзларидаги бўш иш ўринларини тавсия этишди.

(Давоми 2-бетда.)

### БИЛИМ, ЯНГИЛИК ВА ТАЖРИБА

**«Йилнинг энг яхши фан ўқитувчиси» танлови иштирокчиларининг асосий мақсади бўлди**

Илғор тажрибаларнинг оммалашувида «Йилнинг энг яхши фан ўқитувчиси» кўрик-танлови муҳим аҳамиятга эга. Бу танловда иштирок этиш ҳар бир фан ўқитувчисининг орзуси десак, муболағаси йўқ. Ҳар томонлама билимли, малакали, маҳоратли ва ташаббускор педагогларгина туман, вилоят босқичларида ўзларининг иқти-

дорларини намойиш этишгач, республика босқичида мактаблари ва вилоятлари шаънини ҳимоя қилиш имкониятига эга бўлади.

Куйида айрим фанлар бўйича танлов таассуротлари ва вилоят босқичи ғолиблари ҳақида хабардор бўласиз.

(Давоми 3-бетда.)



Бурҳон РИЗОҚУЛОВ олган сурат.

ГАЗЕТАНИ  
ВАРАҚЛАҒАНДА:

**МАКТАБДА  
«КИЧИК  
АКАДЕМИЯ»**  
буюк тадқиқотларга  
дебоча бўлмоқда  
5-бет

**БОБУР —  
БУНЁДКОР**  
8-бет

**АЛЛАНИНГ  
СЕҲРЛИ  
КУЧИ**  
11-бет

**ШАХМАТЧИЛАР  
ҚИШЛОҒИНИНГ  
СПОРТЧИЛАРИ**  
12-бет

# ТАШРИФ НИҲОЯСИГА ЕТДИ. ҲАМКОРЛИК ДАВОМ ЭТАДИ

(Давоми. Боши 1-бетда.)

Сухбат чоғида икки мамлакат авиакомпаниялари ҳамкорлигини, жумладан, "Навий" эркин индустриал-иктисодий зонаси ва логистика марказини ривожлантириш борасидаги алоқаларга оид масалалар муҳокама қилинди.

Мамлакатимиз раҳбари Корея Республикаси стратегия ва молия вазири Ю Жин Хённи ҳам қабул қилди.

Кореяга ташриф асосида имзоланган ҳужжатларнинг аксарияти йирик молиявий операцияларни амалга оширишни, лойиҳаларнинг техник-иктисодий асосларини ишлаб чиқишда молиявий маслаҳатла-

шувларни тақозо қилади. Икки мамлакат вазирлик ва идораларининг, фирма ва компанияларининг ҳамкорлиги муваффақият келтиришини таъминлаш учун молия маҳкамаларининг алоқаларини мустаҳкамлаш, фаолиятини мувофиқлаштириш муҳим аҳамиятга эга. Хусусан, Устюрт газ-кимё мажмуи бўйича консорциумни шакллантиришда Жанубий Корея банк-молия муассасалари муҳим ўрин тутганини таъкидлаш жоиз.

Учрашувда Ўзбекистон билан Жанубий Корея ўртасида банк-молия соҳасидаги алоқаларни янада ривожлантиришга оид масалалар муҳокама қилинди.

Ташриф натижаларининг

аҳамияти ҳақида унинг доирасида имзоланган ҳужжатлар, хусусан, Сурғил кони негизида Устюрт газ-кимё мажмуини куриш ва конни ўзлаштириш лойиҳасини амалга ошириш бўйича сармоявий битимдан келиб чиқиб ҳам, етарли ҳулоса чиқариш мумкин. Унинг молиявий қиймати 3 миллиард АҚШ долларидан ошади.

Масаланинг иқтисодий ва сиёсий жиҳатларидан ташқари, маънавий томонига ҳам эътибор қаратиш жоиз. Аввало, Корея Республикаси Президенти Ли Мён Бакнинг куйидаги сўзларини келтириш ўринлидир: "Корея Ўзбекистонга ҳар томонлама яқиндир. Корейслар

Ўзбек халқига, Ўзбекистонга катта ҳурмат билан қарайди. Корея Миллий музейида Ўзбекистон миллий маданияти кўргазмаси ташкил этилганда, корейликлар унга ҳар қандай кўргазмадан кўра кўпроқ қизиқиш билдирди. Кўплаб давлатлар глобал инқироздан азият чеккан бир пайтда Ўзбекистон иқтисодий ўсишга эришди, — деб таъкидлади Жанубий Корея Президенти. — Бу ютуқ, албатта, доно раҳбарнинг раҳнамолигида қўлга киритилди. Инқирозга қарши чоралар борасида Ўзбекистон, ўйлайманки, кўплаб мамлакатлар учун ўрнак бўлиши мумкин".

...Президентимиз Ислон

Каримовни кутиб олиш маросимида бир гуруҳ болалар ҳам бор эди. Қўлига Ўзбекистон ва Жанубий Корея байроқларини тутган болалар "Assalomu alaykum" degan ўзбекона калом билан Ўзбекистон раҳбарини кутиб олди. Демак, Президент Ислон Каримовнинг ташрифи Кореяда ўзига хос байрам сифатида қабул қилинди.

Президентимиз Ислон Каримовнинг Корея Республикасига давлат ташрифи ҳар томонлама самарали бўлди.

Анвар БОБОЕВ,  
ЎЗА махсус мухбири.  
Тошкент-Сеул-Тошкент.

(Давоми. Боши 1-бетда.)

— Бугунги кўргазмада Ўзбекистон Миллий университети, Тошкент темир йўл муҳандислари институти, Тошкент Халқаро Вестминстер университети, Сингапур менежментни ривожлантириш институти, Ўзбекистон давлат жаҳон тиллари университети каби етакчи таълим муассасалари билан бир қаторда «Ифатли келин», «Карьера» ўқув марказлари иштирок этмоқда. Лондон, АҚШ, Малайзия, Сингапур, Ҳиндистон, Хитой, Япония, Германия сингари яна кўплаб давлатлар корхоналари ҳам қатнашапти. Бу-



## "ТАЪЛИМ ВА МУТАХАССИСЛИК":

яна ёшларни чорлади

гун Ўзбекистон ёшлари ўз иқтидори ва илмий салоҳияти билан халқаро миқёсда ҳам мустаҳкам ўрин эгалламоқда. «Таълим ва мутахассислик» кўргазмаси эса мамлакатимизда ёшларга қаратилган эътибор ва эътирофнинг яна бир тасдиғидир, — дейди «Камолот» ЁИХ матбуот хизмати етакчи мутахассиси Наргис Азаматова.

Айтиш зарур, кўргазмани ташкил этишдан кўзланган мақ-

сад — мамлакатимиз ёшлари манфаатларини муносиб ҳимоя қилиш, уларнинг жамиятда ўз ўринларини топишига кўмаклашишдан иборат. Бундан ташқари, уларнинг хоҳиш-истаги, қизиқишларига қараб ўзларига мақбул олий таълим муассасасини танлаш имкониятини яратиш, чет эл университетлари фаолияти, ўқитиш тизими ҳамда йўналишлари ҳақида маълумотлар етказиш ҳам кўргазма ташкилотчилар олди-

га қўйган мақсадларидан санолади.

Ўтказилган кўргазмада юртимиздаги ўрта махсус, касбхунар таълим муассасалари битирувчилари ўзларини қизиқтирган олий ўқув юрти ҳақида батафсил маълумотларга эга бўлган бўлса, олий ўқув юртлари битирувчи талабалари ўзига муносиб иш ўринлари билан танишиш имкониятини қўлга киритди.

— Мен Тошкент банк коллежининг 3-босқичида таҳсил оламан, — дейди Ижод Абдусатторов. — Келгусида мен эгалламоқчи бўлган мутахассислик бўйича етакчи университетлардан бирида ўқишни истардим. Шу сабабли, кўргазмага ташриф буюрдим, ва ўзимни қизиқтирган барча саволларга жавоб олдим. Ўқишга кириш учун қандай ҳужжатлар тўплаш керак, имтиҳонлар қай тарзда топширилиши, қайси университетда ўқув дастури ва таълим жараёни қандай олиб борилиши ҳақидаги кўплаб маълумотларга эга бўлдим. Келажакда бизнес бошқаруви йўналиши бўйича иш фаолиятини олиб боришни режалаштиряпман.

Шаҳина ЖЎРАЕВА,  
«Ma'rifat» мухбири

Б.РИЗОҚУЛОВ олган суратлар.

## ЁШЛАР УЧУН ҲАЁТ САБОҚЛАРИ

Самарқанд шаҳрида «Ёшлар кашандалик ва ичкиликбозликка қарши» мавзuida давра суҳбати бўлиб ўтди.

«Баркамол авлод йили» Давлат дастури асосида «Камолот» ёшлар ижтимоий ҳаракати вилоят бўлими томонидан ташкил этилган тадбирга олий ўқув юртлари талабалари, коллеж, академик лицей ва мактаб ўқувчилари таклиф этилди.

Тадбирда Тиббий статистика ва саломатлик институти, Маънавият тарғибот маркази вилоят бўлимлари, диний идоралар вакиллари юртимизда Президентимиз раҳнамолигида ёш авлоднинг ҳар томонлама соғлом, билимли ва юксак маънавиятли бўлиб камол топиши учун яратилаётган имкониятлар ҳақида сўз юритдилар.

2010-yil — Barkamol  
avlod yili

Бугунги кунда дунёда ОИТС, гиёҳвандлик, жиноятчилик каби иллатлар аҳолининг соғлом турмуш тарзи ва келажагига таҳдид туғдираётган, ахборот ва гоёвий таъсирлар воситасида ёшларнинг онгу тафаккурини эгаллашга уришлар авж олаётган бир пайтда йигит-қизларимизни бундай балолардан асраш долзарб вазифага айланмоқда.

— Президентимиз Ўзбекистон Конституцияси қабул қилинганлигининг 17 йиллигига бағишланган маросимдаги маърузасида ёшларни миллий ва умуминсоний қадриятлар руҳида тарбиялаш, уларни гиёҳвандлик, ахлоқсизлик, четдан кириб келаётган турли зарарли оқимлар ва гоёлар таъсиридан ҳимоялаш лозимлигини алоҳида таъкидлади, — дейди «Камолот» ЁИХ вилоят бўлими раиси Алишер Норбоев. — Бу йўналишдаги вазифалар «Баркамол авлод йили» Давлат дастурида ҳам ўз аксини топди. Шундан келиб чиқиб, йил давомида ушбу йўналишда бир қатор ишларни амалга оширишни мўлжалламоқдамиз. Шунингдек, Ижтимоий хизмат марказимиз таркибидаги «ОИТС ва гиёҳвандликка қарши кураш маркази» фаолияти самарадорлигини янада ошириш, жойларда ўтказилаётган учрашув ва давра суҳбатларининг доимийлигини таъминлаш чора-тадбирлари кўрилмоқда.

Учрашув давомида мутахассислар ичкиликбозлик ва кашандаликнинг оқибатлари ҳақида батафсил маълумот бериб, ёшларни қизиқтирган кўплаб саволларга жавоб қайтарди. Мавзуга оид ҳужжатли фильм намойиш этилди.

Ҳ.ҲАСАНОВ,  
ЎЗА мухбири







*Бухоро шаҳридаги тарих фанига ихтисослаштирилган 6-мактабда қарийб ўн йилдан буён фаолият кўрсатиб келаётган "Кичик академия"нинг илгор иш тажрибаси ўтган йили Республика миқёсида оммалаштирилди. Таълим муассасаси ўқувчиларининг тарих фанини чуқур ўрганиши баробарида, олиб бораётган илмий изланишлари ва уларнинг самарали натижалари мутахассислар томонидан алоҳида эътироф этилди. Шу боисдан ўтган ўқув йилида республикамиздаги қатор таълим муассасаларида "Кичик академия"лар ташкил этилди. Янгитдан бошланган жараёнда муаммолар, тўсиқлар бўлиши табиий. Савол туглади: мактаб "Кичик академия"си қандай мақсадларда ташкил этилади ва у ўз фаолиятини қай тарзда олиб бориши мақсадга мувофиқ? Бу каби саволларга жавоб топшиш мақсадида мазкур мактабдаги "Кичик академия" фаолиятига эътибор қаратдик.*

**ИЛК ПОЙДЕВОР**

— Мактабда даставвал ўқувчиларни фаолликка ундовчи "Мулоқот", «Дебатларда ҳаёт акси» каби клублар фаолияти ташкил этилган эди, — дейди мактаб директори Муҳсина Шоймардонова. — Муассасамиз тарих фанига ихтисослаштирилганлиги боис ўқувчиларимиз машғулотларда юртимиздаги қадимий обидалар ва турли воқеа-

бўйича ўринбосари, Бухоро давлат университети тарих факультети илмий ходимлари, аспирантлари, мактабнинг олий тоифали ўқитувчиларидан иборат. «Кичик академия»га тарих фанига ихтисослаштирилган синфларнинг изланувчан ўқувчилари қабул қилинишига алоҳида эътибор қаратилади. Уларнинг сони 11-15 нафаргача бўлиши мумкин. Ҳар бир академия аъзосига илмий раҳбар бириктирилади, мавзулар

йил январь ойида ўтказилди. Ҳимоялар ўқувчилар учун байрамга айланиб кетди, — дейди тарих фанлари номзоди, доцент Манзила Қурбонова. — Археологик кичик экспедицияларда қатнашиб, топилмаларни таҳлил қилиш, мустақил фикрларини баён этиш, ўз қарорларини ҳимоя қилиш кўникмаларини ўзлаштирган ўқувчиларнинг салоҳияти илк ҳимоялардан оқ кўзга ташланди. Демак, биз тадқиқотчи олимларни тайёрлашнинг илк босқичини таълим муассасаларида бошлашимиз янада самаралироқ бўлишини амалиётда кўрдик.

Ўқувчилар томонидан олиб борилган тадқиқот ишларининг материаллари мактабда ҳар йили тўплам ҳолатига келтирилиши яхши аъёнага айланган.

Шу кунга қадар ташкил этилган ўндан ортиқ тўпламда академияда олиб борилган ишлар жамланиб, ўқитувчи ва ўқувчилар, кенг жамоатчилик эътиборига ҳавола этилди.

**ИЛМИЙ ИШ ҚАНДАЙ БАҲОЛАНДИ?**

# МАКТАБДА "КИЧИК АКАДЕМИЯ"

## БУЮК ТАДҚИҚОТЛАРГА ДЕБОЧА БЎЛМОҚДА

ҳодисалар хусусида соатлаб тортишиб, ўз фикрларини ҳимоя қилишга ҳаракат қиларди. Ўшанда ўқувчиларимизнинг илмий салоҳиятини янада ривожлантириш учун "Кичик академия" ташкил этиш ташаббуси билан чиқдик. Бунда келажақда илмий тадқиқотлар олиб бориб тарих фанининг ривожланишига ҳисса қўша оладиган ўқувчиларни тарбиялаш, уларда ёшлигиданоқ изланувчанлик қобилиятини ривожлантириш мақсади қўйилди. Шу мақсадда жамоамиз билан "Кичик академия" фаолиятини ташкил этиш ва олиб бориш тартибларини ишлаб чиқдик.

Академияга аъзо бўлиш, илмий мавзуларни тасдиқлаш, тайёрланган ишларни муҳокамадан ўтказиш учун Илмий кенгаш фаолиятини йўлга қўйиш тартиблари аниқ белгиланди ва 1999-2000 ўқув йилидан бошлаб мактабда "Кичик академия" ўз фаолиятини бошлади. Ўқувчилар ва ота-оналарнинг ушбу йўналишга қизиқишларини ошириш, илмий салоҳиятни бойитиш мақсадида Бухоро давлат университети профессор-ўқитувчилари академия фаолиятига жалб этилди. Уларнинг академия аъзоларига илмий раҳбарлик ишларини олиб боришда кўмаклашиши назарда тутилди.

— Ўқувчилар турли манбаларни ўрганиб, тарихий ҳақиқатларни англагани сари болалик олами учун янгиликлар кашф қила бошлашди. Бу ишлар улар учун ниҳоятда мароқли кечишини кузатдик, — дейди мактабнинг олий тоифали тарих фани ўқитувчиси Маҳбуба Раҳимова. — Бунда танланган ҳимоядаги мавзуни асосий қисмларга ажратиш, режалар тузиш, режа асосида ўз нуқтаи назарини ҳимоя қила олиш, исталган адабиёт ва ахборот манбаи билан мустақил ишлаш кўникмалари ҳам ривожланиб борди. Амалий машғулотлар, тарихий қадамжоларга ташкил этилган экспедицияларда «Кичик академия» аъзолари ўзлари учун керакли маълумотларни излашга киришиб кетишди. Ташкил этилган ишнинг мақсадли ва самарали олиб борилганлиги ўқувчилар, ота-оналар эътиборини тортди, йилдан-йилга академия аъзоси бўлиш истагини билдирувчилар сони орта бошлади.

**АКАДЕМИЯГА АЪЗОЛИК — ФАҲР**

«Кичик академия» фаолиятини Илмий кенгаш назорат қилади. Унинг таркиби мактаб директорининг тарих фанига ихтисослаштирилган синфлар

аниқланиб, Илмий кенгашдан ўтказилади.

«Кичик академия» аъзолигига тарих ва унга ёндош (археология, этнография, тарихий ўлкашунослик, эски ўзбек ёзуви) фанлардан дарс берадиган ўқитувчилар тавсиясига асосан: ўқувчилар икки босқичли танлов (психологик тест ва тарих фанига оид билимларини аниқлаш бўйича савол-жавоб) натижаларига кўра қабул қилиниши белгилаб қўйилди.

Ўқувчиларнинг илмий ишига фан ўқитувчилари, Ўзбекистон Фанлар Академияси Тарих институти илмий ходимлари, Бухоро давлат университети гуманитар фанлар факультети олим ва тадқиқотчилари, Бухоро вилояти бош музей-қўриқхонаси илмий ходимлари ва мутахассислари раҳбарлик қилиши эса янада эътиборли бўлиб, кўпчиликни қизиқтириб қўйди.

**ТАДҚИҚОТ ҲИМОЯСИ — МАСЪУЛИЯТ**

«Кичик академия»нинг фаолияти мактаб ўқувчи-ёшлари ўртасида илмий изланувчан, иқтидорли, мустақил фикрлайдиган баркамол ёшларни тарбиялашга қаратилган. Фан ва техника соҳасида бўлғуси олимларни тайёрлашга замин яратиш мақсадида бошланган иш ўқувчи-ёшларни манбалар, қўшимча адабиётлар билан ишлашга ўргатиш, режалар тузиш ва фикрини эркин баён этишга ўргатмоқда. Олиб борилган тадқиқот ишларининг ҳимоялари Илмий кенгашда ўтказилиши ўқувчиларни янада масъулиятли бўлишга ундамоқда. Кенгаш ҳар ойнинг 3-жума куни мунтазам ўтказилиб, унда ўқувчилар томонидан илмий раҳбарлар билан ҳамкорликда олиб борилаётган ишлар муҳокама этилиб, вазифалар белгиланиб борилиши йўлга қўйилган.

— Академия аъзоларининг танлаган мавзулари бўйича олиб борган ilk тадқиқот ишларининг ҳимоялари 2000

Илмий тадқиқот олиб борган ўқувчи 10 бетдан кам бўлмаган ишини семинар ва конференцияларда ҳимоя қилиши учун 10 кун аввал Илмий кенгашга топширади. Кенгаш аъзолари ҳимоядаги иш билан танишадилар ва камида 3 нафари ўз тақризини ёзма равишда кенгашга топширади. Улар қуйидаги мезонлар асосида максимал 25 балл билан баҳоланади:

билан ҳамкорлик шартномалари тузилган.

Олиб борилган саъй-ҳаракатлар тезда ижобий самара берди. «Кичик академия» ilk аъзоларининг кейинги фаолияти ҳам ихтисослик бўйича давом этди. Улар ҳозирда Бухоро давлат университетининг гуманитар фанлар йўналишида таҳсил олмоқда. «Кичик академия»нинг аксарият битирувчилари

Т.р.	Белгиланган мезон	Балл
1	Мавзуни оғзаки ифода этиб, ишни яратиб бера олганлиги	10
2	Илмий ишнинг эстетик кўриниши, илмий мусахҳиҳлик талабларига мувофиқлиги	5
3	Илмий ишнинг ёритилиши, режага мослиги, тарихий таққослаш тамойилларига жавоб бериши	10
	<b>Жами</b>	<b>25</b>

«Кичик академия» аъзоларининг илмий мақолалари, маърузалари ва ижодий ишлари матни оммавий ахборот

ҳозирги кунда ҳам илмий тадқиқотчилик фаолияти билан банд.

— Ўтган муддат ичида "Кичик академия"да маълум бир тажриба тўпланди, — дейди мактаб директори. — Шу боис бугунги кунда унинг тизимли иш жараёни янгиликлар билан бойиб такомиллашиб бормоқда. Ҳозирги кунда академиянинг 8 нафар аъзоси тарих фанининг долзарб масалалари бўйича илмий изланишлар олиб бормоқда. Жумладан, Муқаддас Қодированинг "Бухоро воҳасида боланинг туғилиши билан боғлиқ маросимлар", Элбек Гофуровнинг "Наврўз байрами ва у билан боғлиқ аъёнавий маросимлар (Бухоро воҳаси мисолида)", Севара Ҳожиевнинг "Ўрта асрлардаги Бухоронинг тарихий обидалари бугунги кунда", Гулноза Саидованинг "Бухоро зардўзлик хунармандчилиги тарихидан" мавзулари шулар жумласидандир.

Академияда изланиш олиб бораётган ўндан ортиқ йигит-қизларнинг ҳаракати, сўз ифодасида олимликка даъвогарликни кўриб суюнасиз. Улар учун яратилган шароит эса, албатта, ҳавасингизни келтиради.

**Ҳафиза ИСАНОВА,**  
"Ma'rifat" мухбири























## NAFOSATLI QIZLAR SPORTI

Bugungi kunda Orolbo'yida o'sib kelayotgan yosh avlodning hech kimdan kam bo'lmay voyaga yetishi, sport bilan shug'ullanishiga alohida e'tibor qaratilayotir. Chekka hududlarda ham zamonaviy sport inshootlari qurilib, ularda barcha shart-sharoit yaratilmoqda. Sportning barcha turlarida bo'lgani kabi badiiy gimnastikada ham sportchi qizlarimiz yaxshi natijalarga erishmoqdalar. Buning zamirida yurtimizning chekka tuman va qishloqlarida ham zamonaviy sport inshootlari barpo etilayotgani va sharoitlarning yaxshilanayotganligi yotadi.

Suratda: sport ustasi murabbiy Nigora Polvonova shogirdlari bilan mashg'ulot vaqtida.

**Arslon KANNAZAROV**  
(O'za) olgan surat.



## Kumush qish tarovati



B. RIZOQULOV va M. AHLIY NOV olgan suratlar.

### Ma'rifat

#### TA'SIS ETUVCHILAR:

O'zbekiston Xalq ta'limi vazirligi, O'zbekiston Oliy va o'rta maxsus ta'lim vazirligi, O'zbekiston Ta'lim va fan xodimlari kasaba uyushmasi Markaziy Kengashi.

#### Bosh muharrir vazifasini vaqtincha bajaruvchi: Bahodir JOVLIYEV

Tahrir hay'ati: Rustam AHLIDINOV, Jumanazar BEKNAZAROV, Xurshid DO'STMUHAMMEDOV, Akmal ISLOMOV (mas'ul kotib), Mahmuda MURZAYEVA, Elshod NABIYEV, Husan NISHONOV (bosh muharrir o'rinbosari), Abdusamat RAHIMOV, Nurlan USMONOV (bosh muharrir o'rinbosari, "Учитель Узбекистана"), Aleksey CHUKARIN (mas'ul kotib, "Учитель Узбекистана"), Sa'dulla HAKIMOV.

#### Gazeta O'zbekiston Matbuot va axborot agentligida № 0067 raqam bilan ro'yxatga olingan.

INDEKS: 149, 150. G-122.  
Tiraji 46517.  
Hajmi 4 bosma taboq.  
Ofset usulida bosilgan,  
qog'oz bichimi A-3.

Navbatchi muharrir:  
Hafiza ISANOVA.

Navbatchi:  
Baxtiyor YOQUBOV.

«Ma'rifat» dan materiallarni ko'chirib bosish tahririyat ruxsati bilan amalga oshirilishi shart. Tahririyatga yuborilgan materiallar muallifga qaytarilmaydi.

belgisi ostida reklama materiallari beriladi.

MANZILIMIZ: 100083, Toshkent,  
Matbuotchilar ko'chasi, 32.

E-mail: info@marifat.uz  
Web-site: www.marifat.uz

TELEFONLAR: mas'ul kotib — 233-99-15, umumiy o'rta va maktabgacha ta'lim yangiliklari bo'limi — 236-53-16, fan, oliy va o'rta maxsus, kasb-hunar ta'limi yangiliklari bo'limi — 236-54-03, adabiyot, madaniyat, kasaba uyushmalari hayoti yangiliklari bo'limi — 236-54-26, ma'naviyat va maktabdan tashqari ta'lim yangiliklari bo'limi — 236-54-23, siyosat, xalqaro hayot va sport yangiliklari bo'limi — 236-55-58, reklama va marketing bo'limi — 233-42-92(faks), 236-54-17.

Bahosi sotuvda  
erkin narxda

Dizaynerlar  
Liliya BINASHEVA,  
Malohat TOSHOVA.

«Sharq» nashriyot-matbaa  
aksionerlik kompaniyasi  
bosmaxonasi.

Korxonada manzili: «Buyuk Turon»  
ko'chasi, 41-uy

Bosishga topshirish  
vaqti — 21.00.  
Topshirildi — 21.00  
ЎзА якуни — 21.00